

Superinfo

26.2.2017. / broj 179



Vrijeme je za ljubav

Povodom Dana zaljubljenih, kupce u cm-u očekuju iznenađenja i super ponudal

***13.2.** pratite natječaj i darivanje na
[cmcsmeticmarket](#)

***14.2. "Alarm ljubavi"** -
besplatna kupovina u svakoj
cm poslovniči!!!!!!*



* Jedna besplatna kupovina u svakoj cm poslovniči



*Svim zaljubljenim, želimo
sretno Valentino!*



USVOJEN BUDŽET
ZDK ZA 2017.



TRAVNIK I LEIPZIG NA
RADIONICI U GELSENKIRCHENU



BROJNI USPJEŠI U 2016.
GODINI U BNP ZENICA



FUAD KASUMOVIĆ
PRVI ČLAN NK ČELIK



POTICAJ POLJOPRIVREDNE PROIZVODNJE I UREĐENJE ZEMLJIŠTA

Vlada Zeničko-dobojskog kantona na prijedlog Ministarstva za poljoprivredu, šumarstvo i vodoprivredu odobrila je proizvođačima maline i kupine sa područja ovog kantona isplatu 348.985 KM na ime poticaja za proizvodnju maline i kupine.

Nešto ranije iz sredstava Budžeta, kantonalna Vlada je odobrila otkupljivačima jagodičastog voća, a koji vrše zamrzavanje 40.000 KM na ime poticaja za otkup i zamrzavanje jagodičastog voća, kao i odobrena su sredstva otkupljivačima sa područja ZDK u iznosu od 33.899 KM na ime poticaja za otkup jagodičastog voća. Na prijedlog Ministarstva za poljoprivredu, šumarstvo i vodoprivredu, Vlada ZDK je iz sredstava Budžeta odobrila proizvođačima sa području ZDK 166.000 KM za podršku projektima u poljoprivredi na području Kantona, poljoprivrednim proizvođačima sa područja ZDK 94.166,76 KM za uređenje poljoprivrednog zemljišta u Kantonu i udruženjima sa područja ovog kantona 12.000 KM za podršku u razvoju udruženja u poljoprivrednoj proizvodnji u 2016. godini.



USVOJEN BUDŽET ZDK ZA 2017.

Skupština Zeničko-dobojskog kantona većinom glasova, sa 23 glasa ZA, šest glasova protiv (SDP i DF) i dva uzdržana (SBiH), usvojila je prijedlog budžeta ZDK za narednu godinu u visini od blizu 292 miliona konvertibilnih maraka u čemu je 4,3 miliona KM popokriće akomuliranog deficitia. Skupština je takođe usvojila Prijedlog Zakona o izvršenju Budžeta ZDK za 2017. godinu. - Ova Vlada se rukovodi programskim ciljevima. Dakle, ovaj program rada je praktično vodilja što ćemo raditi u sljedećoj godini. To se može vrlo lako provjeriti. Mi smo Vlada koja želi raditi. Ova Vlada nije prihvatile ni medijski neke polemike, a niti želimo da medijski izazivamo nekakve stresove. Vrlo smo transparentni. Poslije svake sjednice



Vlade mi najavimo press i izděmo pred novinare i sve što treba da se kaže to učinimo. Imamo jasnu viziju, kazao je Miralem Galijašević, premijer ZDK. On je dodao da je zadovoljan ocjenom koju su dobili od Centra civilnih inicijativa za proteklu godinu.



ZAŠTITA TOPČIĆ POLJA

Ministarstvo za poljoprivredu, šumarstvo i vodoprivredu Zeničko-dobojskog kantona izdvojilo je 502.000 KM za realizaciju projekta izgradnje pregrada na vodotocima Baretnjak i Ciganski potok i regulacija dijela korita Starinskog potoka radi zaštite naselja Topčić Polje od bujičnog nanosa. Ukupna vrijednost radova je 734.000 KM. Ministar Himzo Smajlić potpisao je sa Gradom Zenica ugovor o sufinansiranju, kojim Ministarstvo za poljoprivredu, šumarstvo i vodoprivredu osigurava sredstva u

vrijednosti od 502.000 KM, dok ostatak sredstava obezbeđuje Fond za okoliš Federacije BiH. Ovaj izuzetno važan projekt za šire područje Topčić Polja predviđa izgradnju 13 poprečnih pregrada i to šest pregrada na Starinskem potoku, četiri na potoku Baretnjak i tri na Ciganskom potoku. Radove će, kako su saopštili iz pomenutog Ministarstva, izvoditi ALMY-TRANSPORT d.o.o. Zenica, a planirano je da se radovi izvedu u roku od 180 dana, sa krajnjim rezultatom da se trajno zaštiti naselje Topčić Polje.



NAŠE ORANICE BEZ GRANICE!

Ured specijalnog predstavnika Evropske unije u Bosni i Hercegovini (EUSR) pokrenuo je projekat o perspektivama razvoja bosanskohercegovačke poljoprivrede, sa ciljem da se otvoreno razgovara o trenutnoj situaciji ruralnih područja i poljoprivrede u BiH, kao i izazovima i mogućnostima koje nudi proces pristupanja EU. U sklopu projekta organizovana je sveobuhvatna kampanja na podizanju svijesti javnosti koja se sastojati od foruma na temu poljoprivrede i ruralnog razvoja, kao i od informativno-edukacionih događaja širom BiH. Prvi od deset planiranih foruma pod nazivom „Naše oranice bez granice“ održan je sredinom ovog mjeseca u Centru za kulturu Općine Travnik. Forumu su prisustvovali stručnjaci iz naše zemlje i regiona, te poljoprivrednici sa područja srednje Bosne. - Imamo ogroman potencijal u poljoprivrednom sektoru, u smislu domaće proizvodnje i izvoza u Evropsku Uniju. Mi želimo ostvariti

saradnju sa poljoprivrednim zajednicama, sa ruralnim zajednicama u cijeloj BiH i da vidimo kako to na najbolji način iskoristiti. Mnogo se priča kako ostvariti pristup tržištu Evropske Unije i to je važna tema o kojoj govorimo. Postoje sredstva EU za sektor poljoprivrede, ali da bi ta sredstva postala dostupna potrebna nam je Strategija za poljoprivredni i ruralni razvoj koja će važiti za cijelu zemlju, kazao je zamjenik šefa Delegacije Evropske unije u Bosni i Hercegovini, Khalidoun Sinno, naglasivši kako to trebaju osigurati vlasti u BiH. Učesnici foruma dijele mišljenje da bosanskohercegovački proizvodi vrijede, te da se kroz ovakve forume utječe na svijest i doprinosi zaradi. Prisutni su imali priliku da nakon foruma prisustvuju informativno-edukativnom sajmu na kojem su izlagali partneri na projektu, UNDP BiH i projekat USAID/Sweden FARMA II, te Udruga poduzetnika i poslodavaca Žepče (UPIP) i Farmofit - Fabrika stočne hrane Rapić, Gradiška.

VOLONTERI POTPISALI UGOVORE

Za preko 300 volontera Vlada SBK izdvojila 3 miliona KM. Volonteri koji su primljeni na stručno osposobljavanje u Ministarstvo zdravstva i socijalne politike i Ministarstvo pravosuđa i uprave potpisali su Ugovore o stručnom osposobljavanju bez zasnivanja radnog odnosa. Potpisivanju je prisustvovao ministar zdravstva i socijalne politike SBK, Nikola Grubešić. Vlada Srednjobosanskog kantona je izdvojila oko 3 miliona konvertibilnih maraka kako bi omogućila da preko 300 mladih i školovanih osoba steknu radno iskustvo, zarade i tako osiguraju neophodne preduvjete za prijave na konkurse za radna mjesta. Volonteri će nakon završenog volonterskog rada u trajanju od godinu dana, imati uslove za polaganje ispita općeg znanja, što će im biti prednost pri pronašlasku prvog zapošljavanja.



Prostor travničke regije Turbe i Karaula na kojem živi oko 17.000 stanovnika i koji je po broju stanovnika veći nekoliko općina u Srednjobosanskom kantonu napokon je

OTVORENE PROSTORIJE POLICIJSKE ISPOSTAVE TURBE

dobio Policijsku ispostavu koja bi trebala značiti veću sigurnost za stanovništvo ovog kraja. Ova policijska ispostava je organizacijska jedinica Policijske stanice Travnik, a njeno formiranje omogućeno je stupanjem na snagu novog Pravilnika o unutrašnjoj organizaciji Ministarstva unutrašnjih poslova Srednjobosanskog kantona. Vlada je, dajući saglasnost na novu organizaciju MUP-a, osigurala i sredstva za opremanje prostorija policijske ispostave, koje su MUP-u ustupljene na korištenje od strane općine Travnik. - Opredjeljenje za formiranje policijske ispostave na području Turbeta prije svega

leži u činjenici da ovom području gravitira oko 17.000 stanovnika i da se formiranjem ispostave u Turbetu omogućava brži i kvalitetniji odgovor policijskih službenika na bilo kakve sigurnosne izazove. Policijski službenici raspoređeni u ovu ispostavu će biti u mogućnosti povećati svoje prisustvo na terenu, te će na taj način biti u službi građana sa tog područja, saopćili su iz MUP SBK. Policijska ispostava Turbe opremljena je prostorom za dežurnog policijaca, prostorijom za radne sastanke prilikom prijema i povratka sa službe, prostorijama za stranke i prostorijama za zadržavanje osoba lišenih slobode.



TRAVNIK I LEIPZIG NA RADIONICI U GELSENKIRCHENU

Delegacija iz Travnika, na čelu sa načelnikom općine, Admirem Hadžiemrićem, boravila je od 15. – 18. januara 2017. godine, u Njemačkom gradu Gelsenkirchenu, a na poziv Global Engagement-a. Global Engagement je u Gelsenkirchenu bio damačin radionice pod nazivom „Partnerstvo održivog razvoja jedinica lokalne samouprave“.

- Na radionici su predstavnici Općine Travnik razgovarali sa predstavnicima Lajpciga o zajedničkim projektima koji bi se trebali realizovati i potpisani je Memorandum o razumijevanju koji potvrđuje buduću saradnju u projektu. Potpisivanje Memoranduma je bitan korak na putu ka zajedničkom cilju da se trajno učvrsti saradnja između grada Lajpciga i Općine Travnik, saopćeno je iz Općine Travnik.

Cilj radionice je bio da gradovi i općine iz Bosne i Hercegovine, Srbije i Albanije zajedno sa svojim bratimljenim gradovima iz Njemačke razgovaraju o 17 ključnih ciljeva koje UN proglašio najvećim problemima današnjice. Neki od tih problema su : rodna neravnopravnost, zagađenja okoline, velika razlika između bogatih i siromašnih, nečista voda i loši sanitarni uslovi.

Global Engagement je organizacija iz Njemačke koja se, između ostalog, bavi finansiranjem lokalnih samouprava i organizuje razne projekte i radionice sa ciljem što boljeg razvoja jedinica lokalnih samouprava. U delegaciji su još, pored načelnika Hadžiemrića, bili Azem Ejubović, direktor Ureda Društva za unapređenje gradskog partnerstva Leipzig - Travnik i Faris Hafizadić ispred Općine Travnik.



NOVI NADZORNI ODBORI ZA SEDAM JP IZ ZENICE



Gradonačelnik Zenice Fuad Kasumović i predsjednik Komisije za provođenje konkursne procedure Suad Kaknjo uručili su rješenja za nove članove nadzornih odbora sedam javnih preduzeća čiji je osnivač Grad Zenica. Radi se o 21-dnoj osobi za koju je Komisija odabrala među 400 kandidata. Za predsjednika NO JP za prostorno planiranje i uređenje grada "Zenica" imenovan je dipl. Pravnik Miralem Duraković, a za članove dipl. ekonomist Nedžad Mulić i dipl. Ing. arhitekture Dragan Trivičević, za predsjednika NO JP za upravljanje i održavanje sportskih objekata d.o.o. Zenica imenovan je dipl. ekonomist Mirsad Derveničić, a za članove profesori sporta i tjelesnog odgoja Elvedin Arnaut i Tarik Salčinović, za predsjednika NO JP "Gradsko groblje" Zenica imenovana je dipl. pravnica Melisa Ahmić, a za članove dipl. pravnik Mirsad Pehadžić i dipl. ekonomist Bruno Lerotić, za predsjednika NO JP "Tržnica" Zenica imenovan je dipl. ing. mašinstva Branislav Lovrić, a za članove dipl. ekonomist Belma Mehmedović i dipl. ing. elektrotehnike Ahmed Mutapčić, za predsjednika NO JP "Parking servis" Zenica imenovan je dipl. ing. mašinstva Zoran Marković, a za

članove dipl. ekonomist Inela Karić i dipl. ing. saobraćaja i komunikacija Džemal Burina, za predsjednika NO JP "Grijanje" Zenica imenovan je mr. ekonomije Hasan Helvida, a za članove dipl. pravnica Murisa Tuka i dipl. ekonomist Edin Husanović i za predsjednika NO PD Regionalna deponija "Mošćanica" Zenica imenovan je dipl. ing. metalurgije Edin Terzić, a za članove dipl. ekonomist Zlatko Hasanbašić i dipl. ing. mašinstva Amina Ekmešić. Gradonačelnik Kasumović je novim članovima Nadzornih odbora poželio uspjeh u radu te ih pozvao da daju svoj doprinos boljim uslugama za građane, da ne dozvole da direktori rukovode njima, da imaju sva ovlaštenja da naprave izmjene i uvedu stvari koje će napraviti nešto novo i bolje, nešto što će biti na korist građanima. - Ubrzo će ići konkurs i za Nadzorni odbor JP "Vodovod i kanalizacija". Iako im nije istekao mandat, iskoristiću svoje pravo i smijeniti ih radi stvari koje su se dešavale tamo. Molim sve one koji nisu sada prošli na konkursu da ne gube vjeru i nadu, da konkurišu, a odabreće se najbolji. Veoma bitan mi je konkurs za JP RTV Zenica za direktora. Tu mi ne treba dobar žurnalist već dobar menadžer, kazao je Kasumović.

POMOĆ NARODNOJ KUHINJI U MAGLAJU

Kompanija „Hifa-Oil“ d.o.o Tešanj još jednom je potvrdila društvenu odgovornost, solidarišući se sa socijalno ugroženim građanima na području općine Maglaj. Naime, ova kompanija je obezbijedila brašno „Merhametovo“ narodnoj kuhinji u Maglaju za cijelu 2017. godinu. Na taj način, „Hifa-Oil“ je omogućila da Regionalni odbor „Merhameta“ Maglaj, u čijem je sastavu narodna kuhinja, obezbijedi dovoljne

količine hlijeba za svoje korisnike. Ugovor o pružanju pomoći potpisali su direktor Regionalnog odbora „Merhameta“ Maglaj Sanel Omerović i predstavnik kompanije „Hifa-Oil“ Venan Hadžiselimović. Direktorica Regionalnog odbora „Merhameta“ se zahvalila tešanskoj kompaniji na vrijednoj pomoći, ističući da je to izuzetna podrška najugroženijim građanima na ovom području o kojima „Merhamet“ godinama brine



UMRO MAKETAR JASMIN FEJZIĆ

Jasmin Fejzić, maketar iz Zenice, vanserijski umjetnik, umro je u Zenici nakon kraće i teške bolesti. Svoj slobodno vrijeme Fejzić je provodio stvarajući neobične makete. Uglavnom su to bili brodovi, jedrenjaci, kakvi su se koristili u starija vremena koje izrađuje od prirodnih materijala. "Leteći holandez", "Galiot", replika broda iz filma "Pirati s Kariba", "Kineski piratski brod", Ilirska brod koji je usidren kod njegove kuće u zeničkom naselju Carina, samo su neke od maketa koje je uradio ovaj maketar. Bio je svojevrsni ambasador naše države, obzirom da se njegovi radovi nalaze širom svijeta. Fejzić je bio član Likovnog kruga Bošnjačka zajednica kulture "Preporod" Zenica. Za sebe je volio reći da je mornar na kopnu, u srcu Bosne koji stvara brodove, a da se ovim hobijem – izradom maketa, počeo baviti u ona fina vremena.



PROJEKAT ENERGETSKE EFIKASNOSTI



Svečanim prijemom i prigodnom priredbom koju su izveli učenici i nastavnici Osnovne škole „Hamđija Kreševljaković“ u Kaknju zvanično je završen projekat rekonstrukcije i utopljavanja objekta škole. Projekat u vrijednosti od 340.000 KM realizirala je Vlada ZDK preko resornog ministarstva. Radovi su obuhvatili topotnu izolaciju zidova, topotnu izolaciju kosog krova, zamjenu stolarije na objektu škole i poboljšanje centralnog sistema za grijanje. Mensur Sinanović, ministar za obrazovanje, nauku, kulturu i sport je istakao značaj ovakvih projekata na području ZDK.

DARIVANJE KRVI



Zaposlenici i volonteri Crvenog križa općine Breza nedavno su u saradnji s djelatnicima Kantonalne bolnice Zenica, u prostorijama Radničkog doma sproveli još jednu akciju dobrovoljnog darivanja krvi. Prijavljen je bio 101 davalac, a njih 78 je darovalo krv. Općinski načelnik Munib Zaimović poohvalio je sve građane koji su pridonijeli uspjehu ove plemenite akcije, među kojima je bilo najviše mladih ljudi. On je istakao da rad lokalnog Crvenog križa treba biti za primjer te dodao da je ovo društvo ponos i humanitarni misionar Breze. Kemal Nefić, sekretar CK Breza zahvalio se svima koji su podržali ovu humanu aktivnost, kao i općini Breza na podršci.



SMETOVI

Članove Saveza izviđača Grada Zenica koji nastavljaju tradiciju organizacije zimskih i ljetnih kampova za djecu i mlade, nedavno je na Smetovima posjetila delegacija kantonalnih i gradskih vlasti u sastavu: Fahrudin Brkić, ministar za prostorno uređenje, promet i komunikacije i zaštitu okoline ZDK, Sead Čizmić, pomoćnik ministra za ekologiju ZDK, Amra Pojskić, stručna saradnica u ministarstvu za ekologiju ZDK, pomoćnik gradonačelnika za društvene djelatnosti i socijalnu zaštitu Zijad Softić i savjetnik gradonačelnika Armin Mujkić. Svi članovi delegacije su istakli da prepoznaju naš dugogodišnji

rad i s tim u vezi posjećuju aktivnosti koje organizuje Savez izviđača grada Zenice. Istakli su i to da je licu mjesta vidljivo kako godinama raspolažemo s malim kapacitetima ali bez obzira na to radimo na organizaciji zimovanja kojima bar određenu grupu djece izdvajamo iz gradskog sivila i smoga. S tim u vezi glavna tema razgovora je bila nastavak aktivnosti na realizaciji izgradnje Eko kuće Smetovi. Svi sudionici u razgovoru se složili da treba nastaviti razgovore i pokušati zajedničkim snagama do kraja 2017. godine projekt realizovati i time proširiti kapacitete kako bi smo kroz naš volonterski angažman otvorili prostor Smetova za veći broj djece i mladih tokom cijele godine.

ZIMOVANJE ZA IZVIĐAČE



Vrijedni izviđači, članovi Odreda "Safet Ribić" Nemila, organizovali su zimovanje u Omladinskom naselju Nemila. Povjerenje su im ukazali prijatelji iz odreda širom Bosne i Hercegovine. Stiglo je 75 mladih izviđača iz Sarajeva (Dobrinja i Rakovica), Jablanice, Konjica, Visokog, Zavidovića, Tešnja i naravno Nemile koji su boravili od 9. do 15. januara u toplim prostorima Omladinskom naselju. Tamo i na obližnjim netaknutim krajolicima su učili, družili se, zabavljali, vježbali, pjevali i ukratko kvalitetno proveli zimski rasplust, od gradske vreve daleko od kompjutera i televizijskih programa. Iako je vanjska temperatura zraka u Nemili bila nepovoljna, radna atmosfera i druženje među učenicima zimovanja davali su poseban ton njihovom sedmodnevnom druženju. Život izviđača tokom zimovanja odvijao

se po planu i programu koji je predviđen do u tančine. - Radni dio sa radionicama organiziran je po grupama (vodovima) i obuhvatao je sticanje znanja i vještina iz prve pomoći, topografije, rad sa busolom (kompasom), slanja poruka na daljinu uz pomoć signalnih zastavica, savladavanje kulinarskih vještina i nove druge vještine i znanja, uključujući i obuku iz novinarstava. Naravno tu su i nezaobilazne razne igre u zatvorenom i otvorenom prostoru, kazao je Ramiz Mujkanović, izviđački aktivista. Prema riječima Almine Ahmetspahić Mujčin, jedne od najaktivnijih članica OI "Safet Ribić" iz Nemile djeca zahvaljujući izviđačima borave na čistom zraku, stiču dobre radne navike, usvajaju pozitivan odnos prema životu i sredini u kojoj žive, te odrastaju u pozitivnom okruženju.

RUDNIK KAKANJ

U 2017. godini pored površinske eksploatacije Rudnik Kakanj će imati dva širokočelna otkopa u podzemnoj eksploataciji. U narednoj godini plan je iskopati 1,44 miliona tona uglja, od čega 600.000 tona u podzemnoj eksploataciji i 800.000 tona na površinskom kopu. - Vrtlište je ispunilo svoj plan 2. decembra do kada je iskopano planiranih 760.000 tona uglja. Prešli su četiri miliona kubika čvrste jalove mase što je dosadašnji rekord ovog površinskog kopa, izjavio je direktor RMU Kakanj Kasim Alajbegović. On je objasnio da ono što karakteriše prošlu poslovnu godinu u Rudniku Kakanj je da su do aprila imali otkopavanje širokočelnom opremom u jami Seoce, kada su izvršili demontažu opreme i izvršena je likvidacija tog čela. Od tada do danas nemaju u Rudniku Kakanj u podzemnoj eksploataciji širokočelnog otkopavanja. Vratili su se u centralni revir, jedno napušteno mjesto gdje su započeti radovi na otvaranju otkopnog polja, okonturili ga, ustrojili i počeli sa otkopavanjem nedavno sa opremom koja je bila na platou od 2009. godine i remontovana na Održavanju i sada je u periodu uhodavanja. Alajbegović je objasnio da su u jami Begići, drugoj jami u podzemnoj eksploataciji, imali na osnovu ugovora potpisanih u novembru 2015., prijem 2.000 tona širokočelne opreme, te



obuku kadrova u Poljskoj i Njemačkoj. - Za površinsku eksploataciju je bitno naglasiti da je tehnički objekat tunel Ribnica koji je probijen u decembru prošle godine, da su radovi na izradi armirano-betonske cijevi pri kraju i tu će se nastaviti sa preostalim radovima. Pripremljena je projektna dokumentacija za preostale pozicije koje ranije nisu ugovorene. Nedavno smo potpisali ugovor za nabavku pet novih belaza nosivosti do 140 tona, vrijednosti 10,8 miliona KM. Provedena je procedura u Elektroprivredi za nabavku elektrohidrauličnog bagera zapremine kašike od 12 do 15 kubika, vrijednosti 5,43 miliona KM koji je namijenjen za utovar ovih pet belaza koji su većeg gabarita od postojećih pet koji su do 110 tona nosivosti, naglasio je Alajbegović.

RADNA POSJETA OPĆINI TEŠANJ

Ministar za obrazovanje, nauku, kulturu i sport Zeničko-dobojskog kantona Mensur Sinanović sa saradnicima bio je u radnoj posjeti Općini Tešanj, načelniku Općine Tešanj i srednjim školama na području ove općine. Na sastanku se razgovaralo o planovima u oblasti obrazovanja, ali i kulture i sporta na području Općine Tešanj, koje će zajednički provoditi Vlada ZDK i Općina. Okvirno su dogovoreni datumi početka aktivnosti za nastavak saradnje na izgradnji četiri školske sportske dvorane, podrška projektu stipendiranja studenata, projekti energetske efikasnosti za školske objekte u Općini Tešanj planirani za 2017. godinu, podrška sportskim kolektivima i kulturnim manifestacijama. Dogovoreni su i uslovi za korištenje sportske dvorane Tešanj za nastavu tjelesnog i zdravstvenog odgoja za učenike Gimnazije „Musa Čazim



Čatić“, Tehničke škole i Mješovite srednje škole u Tešnju, kao i prostora u zgradi Obdaništa Tešanj za potrebe Ekonomskе škole. Inače, u školskoj 2016/2017. godini srednje škole u ovoj općini pohađa 1.978 učenika. Ministar je održao konstruktivan sastanak sa direktorima tri navedene srednje škole i obišao prostorije škola u svrhu sagledavanja stanja.

MOSTOVI PRIJATELJSTVA

Asocijacija Mostovi Prijateljstva BiH-Zenica u 2016. godini realizovali su 44 projekta i aktivnosti. Prošla godina je po broju uspješnih aktivnosti i projekata do sada najuspješnija godina rada za njih. - Naša organizacija je osnovana sa ciljem da realizacijom projekata ojačamo međunarodnu saradnju između BiH i prijateljskih država, a takođe, da realizujući aktivnosti humanitarnog, edukativnog,



kulturnog, sportskog karaktera širom BiH obnovimo veze koje su postojale između općina, naselja, regija prije agresije na BiH, kaže Jasmin Imamović, prvi čovjek Mostova Prijateljstva. Dosta aktivnosti, objašnjava, su realizovali u saradnji sa institucijama i organizacijama iz Republike Turske, Hrvatske, Makedonije i Srbije. Dio aktivnosti je realizovano u općina- ma širom BiH gdje su posjetili 13 povrtničkih naselja i organizovali programe pod nazivom „Obnovimo mostove prijateljstva u BiH - Podrška održivom povratku“. Tokom 2016. su potpisali i memorandume o saradnji i partnerstvu sa nevladinim organizacijama iz Srbije (Bošnjačko nacionalno Vijeće Sandžaka), Hrvatske (BNV Preporod Grada Splita), Vijeće nacionalne manjine Bošnjaka Splitsko-dalmatinske županije i Grada Splita), Makedonije (nevladina organizacija HEDEF-Debar). Takođe su potpisali i memorandum o saradnji sa ministarstvom za obrazovanja, nauku i kulturu i sport ZDK.



STAKLENE ZIDNE OBLOGE

Trend stavljanja staklenih zidnih obloga umjesto klasičnih pločica je zaživio i kod nas. Staklo se lakše i brže čisti, manje se skupljaju nečistoće i nema fuga koje mnogi ne vole jer se teško održavaju i čiste.

Kaljeno i bojeno staklo iz Kristala pruža veliku fleksibilnost u primjeni, jer se po boji i dizajnu može u potpunosti prilagoditi zahtjevima kupca i prostora koji se uređuje.



POČELA AKCIJA UKLANJANJA PASA LUTALICA



U Zenici je počela akcija uklanjanja pasa lutalica koju provodi preduzeće "ALBA Zenica". Ovo preduzeće je potpisalo ugovor sa Gradom Zenica koji je u skladu sa Zakonom o zaštiti i dobrobiti životinja, i svih drugih zakonskih uslova za pokretanje higijenskog servisa i skloništa za životinje. Namjenski izgrađeno sklonište za životinje koje je u vlasništvu Grada Zenica, nalazi se na području grada Zenica, i dodijeljeno je ALBI na upravljanje. Novoizgrađeno sklonište za životinje, koje je napravljeno u skladu sa pravilnikom, nalazi se na propisanoj udaljenosti od naseljenog

mjesta na oko 500 metara i obezbeđuje sve propisane higijensko-tehničke uvjete za smještaj životinja. Iz ALBA-e su pozvali građane da omoguće odnosno da ne sprječavaju aktivnosti uklanjanja pasa bez vlasnika sa ulica. Sve informacije vezano za rad skloništa i higijenskog servisa mogu se naći na web stranici ALBA-e od 1. februara. Pitanja vezana za azil mogu se postaviti putem e-maila skloniste_za_pse@alba.ba, a vrlo brzo će biti i direktna telefonska linija, putem koje će građani moći prijavljivati agresivne i/ili bolesne pse lutalice.

SVJETSKI USPJEH FOJNIČKE KOMPANIJE MS&WOOD

BiH industrija namještaja MS&WOOD („Majstori i Drvo“) ponovila je prošlogodišnji uspjeh pobijedivši u dvije različite kategorije inovativnog namještaja za stolicu i sto na Međunarodnom sajmu u Kelnu (IMM Cologne). Žiri najznačajnijeg sajma namještaja na svijetu nagradio je dizajn stolice i stola iz najnovije kolekcije „Elle“ koja je premijerno predstavljena na štandu MS&WOOD-a. Stolicu i sto fojničkog proizvođača dizajnirala je sarajevska dizajernica Nataša Perković, a nagaređeni su u kategoriji pobjednika Iconic Awards: Interior Innovation Winner. Podsjećamo da je MS&WOOD i prošle godine na ovom sajmu nagrađen istim nagradama za stolicu i sto iz „Primum collection 2016“, koju je dizajnirao Ado Avdić. Nakon internacionalnog uspjeha postignutog prošle godine na sajmu u Kelnu, uslijedilo je uvrštanje nagrađene kolekcije na Triennale umjetnosti i dizajna u Milatu. Više puta nagrađivani namještaj koji se proizvodi u Fojnici izazvao je



još prošle godine pažnju svjetskih arhitekata, dizajnera enterijera i vlasnika salona luksuznog namještaja. Namještaj vrhunskog kvaliteta MS&WOOD pod etiketom "created in BiH" već je sastavni dio ponude salona namještaja u New Yoruku, Parizu, Južnoj Koreji, Maroku... MS&WOOD zapošljava 300 radnika, godišnje proizvodi 600.000 stolica i 100.000 komada stolova, koje izvozi u više od 40 zemalja svijeta. Plan je da do 2018. godine ova kompanija dostigne proizvodnju milion komada namještaja godišnje.

AS GROUP OKONČALA IMPLEMENTACIJU MICROSOFT DYNAMICS NAV

AS GROUP uspješno je sa 1. januarom ove godine implementirala novu verziju poslovne aplikacije NAV 2015, a sve njene članice prebačene su na Data centar u BH Telecomu. Ovaj projekat zajedničkim snagama realizirale su u cijelosti domaće kompanije – AS GROUP, BH Telecom, IT kompanija BBS. NAV 2015 – Microsoft Dynamics NAV – Microsoft poslovne aplikacije, spada u Enterprise Resource Planning (ERP) kategoriju proizvoda, čija je osnovna zadaća nadzor, optimiziranje i upravljanje svim poslovnim procesima i resursima koje jedan poslovni subjekt može imati. Microsoft Dynamics NAV unaprijedit će sinergiju koju stvaraju kompanije AS GROUP, a koja danas zapošljava 3.500 radnika u tri divizije: trgovini, proizvodnji hrane i tekstilnoj industriji.



Do 2011. AS GROUP je koristila internu razvijen sistem upravljanja i podrške poslovanju. Rastom kompanije pokazalo se da postojeće poslovno rješenje ne može zadovoljiti potrebe, a uvođenjem NAV-a omogućeni su brži razvoj i ekspanzija brandova kao što su Zlatna džezva, Zlatni puder, Begova čorba, Oaza, Bosanski lokum, Master, Kent, Swity, Tajna, Sprindova jufka, itd. Proces prelaska na NAV 2015 svih članica okončan je sa 1. januarom 2017. godine, čime su sve kompanije AS GROUP integrirane u jednu bazu, na serverima u BH Telecom Cloudu, sa novom verzijom ovog poslovnog softvera.

DJEDA MRAZEVİ BAJKERİ



Djeda Mrazevi - bajkeri i ove godine su obradovali mališane u zeničkom JU Dom-porodica podijelivši im novogodišnje paketiće. Radi se o članovima Moto Cluba "Condor" Zenica koji su obučeni u kostime Djeda Mraza stigli na odredište sa svojim četverotočkašima i na kamionu u kojem su bili darovi i družili sa desetu godinu zaredom sa djecom bez roditeljskog staranja iz zeničkog doma. Štićenici doma su u znak zahvalnosti priredili im prigodan zabavni program.



PRODUŽEN RASPUTST U ZDK

Povodom aktuelne meteorološke situacije na području našeg kantona izazavane nastalim klimatskim zahlađenjem i pratećim obilnim snježnim padavinama, kao i aktuelnim stanjem energetske infrastrukture i otežanim snabdijevanjem emergentima, te pristiglim izvještajima od strane škola kao i zahtjevima i inicijativama školskog menadžmenta u općinama Kantona, resorno ministarstvo je produžilo zimski raspusta za još jednu sedmicu tj. do 30. januara.

GRADSKI SAVEZ PLANINARSKIH DRUŠTAVA ZENICE

Gradski savez planinarskih društava Zenice usaglasio zajednički kalendar najznačajnijih aktivnosti svih društava za ovu godinu, u kojem je sadržano po nekoliko najbitnijih godišnjih aktivnosti planinarskih društava, poput transferzala, memorijalnih pohoda, godišnjica osnivanja, skupština itd. Neki od ciljeva ovog poteza su neprekapanje bitnih aktivnosti, što masovniji odziv građana, međusobna podrška, organizovan pristup s projektima, prijedlozima i zahtjevima prema nadležnim institucijama i ustanovama te promocija planinarstva sa svim vrijednostima koje ono nosi. Usaglašeni kalendar će biti proslijeden planinarskim savezima BiH i FBiH te svim drugim bitnim subjektima bh.društva s kojima planinari imaju dodirne tačke. Ovaj savez djeluje odnedavno kao neformalno tijelo sastavljeno od legalnih i legitimnih predstavnika ovdašnjih planinarskih društava, poput Željezar, Tajana, Tvrkovca, Mladosti, Pronature, Poštara, Čolana i Vedra. Sastaje se jednom u tri mjeseca, a uz analize trenutnog stanja



pokušavaju se detektovati najznačajniji problemi u planinarstvu te zvaničnicima vlasti predlagati najbolja rješenja, odnosno nametnuti se kao relevantan faktor za ovu oblast kada je u pitanju podrška u radu i općenito stvaranje boljih uslova u životnom okruženju. Ovo je jedan zaokret u odnosu na dosadašnji rad planinarskih društava, a Željezarin zimski pohod na Smetove „Svi na Smetove, svi na snijeg“ trebao bi biti pokazatelj kako se zajedničkim snagama može djelovati bolje i postizati više.

HIFA OIL I NJENE KĆERKE KOMPANIJE POVEĆALE TRŽIŠNE UDJELE

HIFA OIL i sve njene kćerke kompanije EURO ROAL, EURO METALI, EURO STIL, PETROBIT i BITROL Slovenija poslovale su uspješno u prošloj godini, završivši 2016. sa povećanim udjelima u tržištu svaka u svojoj branši. Kako se navodi iz Uprave HIFA OIL, višegodišnje uspješno poslovanje stvorilo je preduvjete za nove akvizicije i širenja kako na domaćem tako i na inozemnim tržištima. I pored velikih turbulencija na domaćem tržištu i u zemljama okruženja, HIFA OIL je zadržala prema svim pokazateljima preko 20 posto tržišnog udjela u prodaji bijelih derivata u BiH. Kompanija je takođe zadržala lidersku poziciju u distribuciji crnih derivata, a na tržištima u regiji očuvan je status najozbiljnijeg i najkvalitetnijeg distributera o čemu govori saradnja sa najvećim kompanijama iz oblasti asfaltgradnje u Austriji, Sloveniji, Hrvatskoj i drugim zemljama regiona. Prošla godina je okončana sa ukupnom količinskom

realizacijom od oko 300.000 tona različitih derivata u devet zemalja regiona. Venan Hadžiselimović, izvršni direktor HIFA OIL-a, najavljuje rast i razvoj i u 2017. godini. Planirane su nove akvizicije u područjima koja će pojačati tržišnu poziciju kompanija kćerki, zatim modernizacija najvećih naftnih terminala u BiH, recertifikacija po ISO 14001 standardu koji se odnosi na ekologiju, kao i izgradnja benzinskih pumpi u vlasništvu HIFA OIL.





RADNI SASTANAK U ŽEPČU

Općinski načelnik Mato Zovko održao je sastanak sa rukovoditeljem Ispostave Federalnog zavoda PIO/MIO Žepče Vladom Penava, šeficom Biroa rada Žepče Vericom Matijević, šefom Porezne ispostave Kantonalnog ureda Zenica Fuadom Bajrić i šeficom Poslovnice Žepče Zavoda za zdravstveno osiguranje ZDK Zdenkom Pejić. Sastanku je prisustvovao Pomoćnik Općinskog načelnika Službe za privredu i finansije Namik Malićbegović. Na sastanku se razgovoralo o aktivnostima u 2016. godini te planovima za 2017.godinu.

Načelnik Mato Zovko je konstatovao da

je saradnja dobra, te pozvao na još veće angažovanje i rješavanje zajedničkih problema općinskih službi sa navedenim institucijama. Problema u komuniciranju ne smije biti. Rukovodioci navedenih institucija su svaki ponaosob dali svoje viđenje rada u protekloj godini, istakli izuzetno dobru suradnju među institucijama i sa službama Općine Žepče. Svi su se složili da je najvažnije obezbjeđenje novih radnih mesta, uredovanje dokumentacije i poslova za svako područje djelovanja te boljitiak za sve građane naše općine.

RJEŠAVANJE PROBLEMA JAVNE RASVJETE

U kabinetu općinskog načelnika Zavidovići održan je sastanak predstavnika Elektrodistribucije i načelnika Hašima Mujanovića. Tema sastanka bila je aktuelni problemi javne rasvjete sa kojima se mjesne zajednice sa područja općine Zavidovići svakodnevno susreću. Javna rasvjeta je jedan od ključnih elemenata sa siguran i bezbjedan život koju bi trebalo da ima svako naseljeno mjesto. Međutim, svjedoci smo problema i stanja sa kojima se nosimo u posljednje vrijeme upravo vezano za javnu rasvjetu i postupak za realizaciju i postavljanje iste. Nedostatak upotrebljene dozvole je najznačajniji problem koji moramo rješiti u što kraćem vremenu. Svaka javna rasvjeta koja se postavlja pored svih ostalih elemenata bitnih za njeno efikasno funkcionisanje mora da ima i upotrebnu dozvolu, istakli su prisutni predstavnici Općine Zavidovići. Također su detaljno analizirani propisi i utvrđeni koraci za rješavanje nastalog problema. Određeni



su hitni rokovi za bržu realizaciju kako bi se kompletan proces što prije i kvalitetnije okončao. U narednom periodu od 10-15 dana, javna rasvjeta naseljenog mjesta Kovači bi trebala dobiti upotrebnu dozvolu čime bi se sprječilo njeno isključenje a nakon toga i ostale javne rasvjete. Cilj nam je da sve javne rasvjete koje su u funkciji, a i one koje se planiraju pustiti u rad budu postavljene u skladu sa zakonskim propisima i procedurama na šta ćemo posebno обратити pažnju, rekao je općinski načelnik, Hašim Mujanović.

ZIMSKA ČAROLIJA NA PONIJERIMA



U nedjelju 22.januara 2017.godine na Ponijerima je, uz prisustvo velikog broja građana Kaknja, zabilježen i veliki broj gostiju iz drugih gradova kao što su Zenica, Visoko, Zavidovići, Sarajevo, pa čak i Zadar i Dubrovnik... U ljetotama izletišta Ponijeri uživao je i otpovnik poslova Ambasade Republike Makedonije u BiH Aleksandar Krstevski u društvu Kakanjca Mirsada Jašarspahića, predsjednika Privredne komore Federacije BiH. U zimskim čarima Ponijera uživalo je i više od 150 djevojčica – članica "Naša škola sporta" Kakanj. Veliki broj građana Kaknja proteklog vikenda je koristio i pogodnost besplatnog prijevoza autobusima do Ponijera i nazad koju je omogućila Općina Kakanj.

POZIV PROIZVOĐAČIMA MLJEKA

Iz općine Kakanj obavještavju sve poljoprivredne proizvođače sa područja ove općine koji imaju u uzgoju najmanje tri mlječne krave u sistemu otkupa mlijeka da su shodno izmjenama i dopunama Pravilnika o novčanim podsticajima u poljoprivredi dužni do 31.januara Ministarstvu za poljoprivredu, šumarstvo i vodoprivredu ZDK podnijeti prijavu proizvodnje na obrascu P-1 za ostvarivanje podsticaja za mlječne krave u sistemu otkupa mlijeka. P1 obrazac se može preuzeti u Službi za privredu, urbanizam i zaštitu okoline Općine Kakanj, Odsjek za lokalni ekonomski razvoj.

Završena obuka za asistente djeci sa poteškoćama u razvoju

Polaznici dobili certifikate!

Volonteri Ministarstva obrazovanja, nauke kulture i sporta SBK, njih 88, uspješno su prošli kroz obuku „Osnove assistencije djeci s poteškoćama u razvoju osnovnoškolskog uzrasta“ koju je organizovala Ustanova za obrazovanje odraslih „Socijalno-edukativni centar“ (SEC) podružnica Travnik, u saradnji s Ministarstvom obrazovanja, nauke, kulture i sporta SBK.

Provedena je i obuka pod nazivom „Osnove inkluzivne nastave“ za nastavnike razredne nastave osnovnih škola Srednjobosanskog kantona.

Tokom obuke polaznici su od trenera Svjetlane Ljevar Lučić, defektologa i Katarine Mravak, psihologa, imali priliku saznati teorijske osnove o assistenciji u nastavi, uloge asistenta u nastavi, prava učenika na assistenciju po UN Konvenciji o pravima djeteta i teorijske osnove o



inkluzivnoj nastavi, koordinaciji inkluzivne nastave po zakonskim regulativama nadležnog ministarstva.

-Vjerujem da će vam znanja i vještine koje ste stekli tijekom obuke koristiti u radu, ali se nadam da su ove obuke za vas dodatna motivacija kako biste nastavili ulagati u sebe, u svoj profesionalni i osobni razvoj, kazala je voditeljica SEC podružnice Travnik, Zvjezdana Nakić.

Nakon završetka obuka 88 polaznika iz Gornjeg Vakufa - Uskoplja, Donjeg Vakufa, Bugojna, Kiseljaka, Busovače, Viteza, Novog Travnika, Travnika i Jajca dobili su SEC certifikate o uspješno završenoj obuci.

Ovo je jedna u nizu obuka koje provodi Ustanova za obrazovanje odraslih „Socijalno-edukativni centar“ (SEC), čiji je osnivač Caritas BiH.

Travnički Merhamet započeo projekt „Čistoća i zdravlje-javno kupatilo“



Ređionalni odbor Muslimanskog dobrovornog društva "Merhamet" Travnik počeo je realizaciju projekta pod nazivom "Čistoća i zdravlje - Javno kupatilo". Ovaj projekt namjenjen je osobama u stanju socijalne potrebe. Riječ je o prvom ovakvom projektu na području BiH koji ima za cilj da se beskućnicima i socijalno ugroženom stanovništvu pruže što bolji uslove za održavanje higijene.

-Ovo je jedan od najhumanijih projekata koje MDD „Merhamet“ realizuje od 1992. godine do danas. Pored toplih obroka koje smo nudili do danas, sada nudimo jedan novi projekt koji je cijela paleta novih usluga, kao što su kupanje, pranje i sušenje odjeće, šišanje, i medicinski

pregledi i dnevni boravak gdje će naši uposlenici razgovarati sa korisnicima.

- ističe Hajrudin Šahić, direktor MDD „Merhamet“.

Za implementaciju projekta osigurana je i adekvatna infrastruktura u "Merhametovoju" kući u ulici Varoš u Travniku, a projekt su podržali Općina Travnik, Javna ustanova Dom zdravlja Travnik, JU Bolnica Travnik i Centar za socijalni rad Travnik.

- Ovo je prvi projekt ovog tipa u BiH gdje Merhamet otvara vrata kuće za osobe u stanju socijalne potrebe i ovo je nadogradnja projekata koje Merhamet ima kroz narodnu kuhinju i pakete pomoći za ugrožene kategorije. Ovakvi projekti su, nažalost, potreba, a o tome govori podatak da je samo Općina Travnik 43 osobe smjestila u nužni smještaj - kaže Admir Hadžiemrić, načelnik Općine Travnik.

Projekt "Čistoća i zdravlje" ponudit će besplatne usluge socijalno ugroženim građanima, kao što su kupanje, pranje i sušenje garderobe, pregled liječnika, pregled stomatologa, šišanje, podjela novog rublja, savjetovanje ginekologa

za žene i dnevni boravak. Projekt je podržala i JU Dom zdravlja Travnik i značajno će pomagati u realizaciji aktivnosti.

- Ja zdušno podržavam ovaj projekt. Razgovarao sam sa ljekarima i svih su izrazili želju da dolaze ovdje i da zajedno sa mnom vrše preglede, rekao nam je mr. prim.dr. Nurdin Šatrović, direktor JU Dom zdravlja Travnik.

Jedan broj pregleda vršit će i specijalisti iz JU Bolnica Travnik, a incijativu MDD „Merhamet“ podržao je i Centar za socijalni rad Travnik.

Podrška privatnog sektora

Ovaj projekt podržali su i predstavnici privatnog sektora u Travniku. Neke su podržali opremanje prostorija, a neki kroz pružanje usluga. Čast mi je da budem dio projekta kojeg realizuje MDD „Merhamet“ i da dajem svoj doprinos. Iskoristit ću ovo da pozovem i svoje kolege i sve druge da podrže ovaj projekt i pomognu najugroženije sugrađane, kazao je Rusmir Jašarević, vlasnik Frizerskog salona „Rusko“.

BROJNI USPJEŠI U 2016. GODINI U BNP ZENICA



Za Bosansko narodno pozorištu Zenica zasigurno se može reći da je 2016. godina bila itekako uspješna i da su imali zavidne umjetničke rezultate. Održali su konferenciju za medije na kojoj su učestvovali direktor Hazim Begagić, umjetnička direktorka Lajla Kaikčija, rukovodilac Dječije, omladinske i lutkarske scene Miroslav Mijatović, voditelj Službe marketinga i prodaje Elvir Škiljo, PR i lektorica Merima Handanović i izvršni producent Denis Krdžalić. Za 12 proteklih mjeseci, BNP se može pohvaliti sa osam premijera, čime zadržava status bosanskohercegovačkog pozorišta sa najviše premijernih izvedbi, ali i sa najviše bosanskohercegovačkih tekstova izvedenih na teatarskoj sceni u BiH. Svakako nisu izostala ni priznanja za plodonosan rad i uspješno djelovanje, pa tako se ova teatarska kuća može pohvaliti sa čak 19 nagrada, od čega je devet nagrada za predstavu Mirjane Karanović "Mi smo oni na koje su nas roditelji upozoravali", šest za predstavu

Lajle Kaikčije "Drang nach Westen (Prodor na Zapad)" i četiri nagrade za predstavu Tanje Miletić-Oručević "Sveti S ili Kako je arhivirana predstava Sveti Sava". Godina 2016. u BNP Zenica je protekla i u znaku velikih internacionalnih festivala, ukupno 24 festivala od kojih je važno izdvajati Sterijino pozorje Novi Sad, Marulićevi dani Split, Zlatni lav u Umagu, FIAT u Podgorici, MESS Sarajevo, JoakimInter Fest u Kragujevcu, Gavelline večeri Zagreb, te Susreti kazališta/pozorišta BiH u Brčom, gdje je predstava BNP-a "Drang nach Westen" bila apsolutna pobednica Susreta. XV festival bh. drame Zenica 2016. je ove godine proslavio svoj mali jubilej, zadržavajući status jedinog festivala nacionalne dramaturgije u BiH. Pored Festivala bh. drame, drugu godinu za redom, u BNP-u je održan i Internacionarni festival edukativnog teatra, čime je u fokusu najmlađa pozorišna publika, za koju je u okviru četverodnevne manifestacije bio upriličen bogat i raznovrstan program. Također, sedmi put za redom, BNP je bio koordinator Evropske manifestacije Noć teatra BiH, u kojoj je okupljen značajan broj teatara/teatarskih kuća i tom prilikom je upriličena cijelodnevna ali i cijelovečernja manifestacija gdje su teatri širom BiH otvorili svoja vrata i upriličili prigodan programski sadržaj.

RAZGOVOR BEZ POVODA

Sasvim očekivano i prijatnu atmosferu u klubu „Plava paleta“ upotpunila je promenada književnim stvaralaštvo autorice Jasmine Hanjalić pod nazivom „Razgovor bez povoda“. Domaćin i književnik Emir Sokolović je želio predstaviti dosadašnje djelo protkano tananim i neformalnim razgovorom o stvaralaštvu, metodama u radu, zadovoljstvima... Uz zahvalnost da je autorka prihvatile poziv, poslije teške saobraćajne nesreće, i da se po prvi puta pojavi u javnosti, Sokolović se obratio i publici potencirajući kako su oni suština i bit kluba „Plava paleta“ koji ga inspirira i obavezuje na dalji rad i nakon nešto više od tri godine, preko 170 programa i dva međunarodna festivala. Jasmina Hanjalić je samo očigledna potvrda njihovoj



istrnjosti i posvećeništu ka stvaralaštvu uopšte. Večer je odmicala da niko nije imao predstavu o vremenu; sekcija razgovora, segment poezile ili proze i natrag. Tu se naprsto trebalo samo biti i uživati u kompletnosti koju je ponudila gošća. Sama se na kraju programa zahvalila domaćinu naglasivši da je klub uspio da koagulira publiku na kojoj bi mu trebali pozavidijeti i veliki regionalni centri.

BALETNI STUDIO ARS U SKUPŠTINI ZDK



Predsjedavajuća Skupštine Draženka Subašić i njen zamjenik Jasmin Duvnjak, ugostili su u Skupštini Zeničko-dobojskog kantona predstavnike Ars centra za edukaciju, promociju i afirmaciju djece i omladine. Povod za ovaj prijem je događaj koji će se u februaru dogoditi u Zenici, kada će Baletni studio ARS iz Zenice biti organizator kvalifikacija za Dance world cup zemalja regije (Srbija, Hrvatska, Crna Gorna, Makedonija, Albanija). Zenica će u februaru biti u znaku baleta, a predstavnice ove škole Elma Šeper - Nadžak i Samira Spahić - Rustempašić, koje svojim zalaganjem i entuzijazmom vode ovu školu, su predstavile dosadašnje uspjehe balerinu na međunarodnim takmičenjima koji su ostvareni u protekle četiri godine. Upravo, odlični rezultati balerinu ove škole na svjetskim takmičenjima, osvojene zlatne i srebrne medalje, omogućile su da BiH bude organizator kvalifikacija za Dance world cup za zemlje regije. Naglašavajući da, rezultati koje ostavaraju balerine na takmičenjima su najbolja satisfakcija i motiv za rad, pa i pored mnogih problema od nedostatka finansijsa, prostora za rad, plaćanja obaveza koja druga udruženja nisu dužni plaćati, odlučni su u namjeri da škola nastavi raditi. Predsjedavajuća Subašić i zamjenik predsjedavajuće Duvnjak, su čestitali na dosadašnjim rezultatima i upornom radu balerina i rukovodilaca škole, te im zaželjeli puno sreće i uspjeha u daljem radu. Ovom prilikom je dogovorena i saradnja na pomenutom projektu u februaru naredne godine. Inače, ovo međunarodno takmičenje u baletu je prvo takve vrste u BiH.

IZBOR ZA FOTOMODELA OPĆINE ZAVIDOVIĆI



Izbor za fotomodela Općine Zavidovići U prepunom klubu Monako održan izbor za FOTOMODELA Općine Zavidovići za FOTOMODELA ZDK 2017. Jedanaest lijepih mladih dama u tri predstavljanja pokazale su da su uistinu krasne. Žiri je imao težak zadatak da odabere najboljih šest koje će grad Zavidoviće predstavljati na kantonalm izboru zajedno sa još 30 djevojaka iz drugih gradova. Organizator projekta FOTMODEL BIH je Modna agencija Fashion iz Zenice i ovo je treće predtakmičenje, a kako navodi Selma Hasanica project manager do finalnog izbora planiraju još 20 predtakmičenja širom BiH. Za fotografije djevojaka bio je zadužen Haris Hasanica, modni fotograf i direktor Fashiona. Kako su nam organizatori naveli fotografija i fotogeničnost je glavni segment ovog modnog showa. U pauzama publiku je zabavljao DJ ERX. Generalni pokrovitelj

izbora je Club Monaco Zavidovići, Zlatni sponzor je EYFEL parfume BiH, oficijelni butik je M&A, oficijelni frizerski salon je Mirror Zavidovići, sponzor poklona za pobjednice je butik Wallis, sponzor priprema kandidatkinja je TC PLANET Zavidovići... - Na kraju programa žiri i publika i direkcija su odlučili da na kantonalo takmičenje idu Zerina Mujkić kao 2. FOTOMODEL FACEBOOKA, Majda Imamović osvojila je titulu FOTOMODEL FACEBOOKA sa preko 900 like-ova, titulu FOTOMODEL medija osvojila je Adelisa Bošnjaković, FOTOMODEL šarma je Erna Horić, druga pratička FOTOMODELA Općine Zavidovići je Dajna Hodžić

dok je titulu prve pratije ponijela Emina Avdić. Finiš je bio zaista zanimljiv jer je i titulu najbolje po ocjeni žirija i direkcije ponijela ponovo Majda Imamović, koja je i po ocjeni FACEBOOK pratitelja projekta najbolja učesnica na izboru FOTOMODEL za općinu Zavidovići, rekao je Haris Hasanica direktor FASHION-a.



„KREATIVNI RASPUST“ U TRAVNIKU

U Centru za kulturu Općine Travnik realizovan je projekat pod nazivom "Kreativni raspust". Projekat je okupio 50-tak travničkih osnovaca koji su u



kreativnim radionicama uz stručno vodstvo učili prve korake glume, plesa, ali i stekli nova znanja iz likovne umjetnosti. Neki su se prvi puta susreli sa video montažom. Oduševljenje nisu krili osnovci, ali ni njihovi roditelji jer su zimski raspust proveli uz zabavu i sticanje korisnih znanja u toplim prostorima Centra za kulturu Travnik. - Projekat se sastojao od kreativnih umjetničkih radionica. Ovakvim i sličnim radionicama djeci je pružena mogućnost da za pet dana trajanja radionica steknu nova znanja iz oblasti kreiranja kulturnog događaja, te da steknu nova poznanstva

i kvalitetno provedu vrijeme, kazao je Taik Ganić, v.d. direktora Centra za kulturu Travnik. Radionice koje su prezentrirane su: produkcija, video editing i rasvjeta, gluma, ples, muzika i likovna radionica. Po završetku učesnicima su uručeni certifikati o učešću u radionicama, a prije toga imali su priliku da prikažu znanja i vještine koje su stekli. Predavači subili educirani, već dokazani kulturni radnici sa bogatim iskustvom. Projekat je realiziran uz podršku Ministarstva obrazovanja, nauke, kulture i sporta SBK.

CABARET CLUB, BRAND BY BRAĆA PETROVIĆ



Dva brata bližanca, Ivan i Andrija Petrović, rođeni su 30. januara 1983. godine u Zenici. Ljubav, kako kažu prema ugostiteljstvu imali su oduvijek. Srednju ugostiteljsku školu su završili u Zenici, a znanje su usavršili radeći i učeći po cijeloj Evropi. Svoj prvi ugostiteljski objekat otvaraju 2012. u Zenici i tu počinju graditi svoj brand koji se danas zove "brand By braća Petrović". Spletom raznih okolnosti su napustili taj objekat i ušli u novi, po njima autentičniji i za njihove projekte koje već rade od 2014. Objekat se nalazi u samoj zgradbi Bosanskog narodnog pozorišta Zenica i zove se Cabaret club, brand By braća Petrović. Idejni su tvorci i organizatori za sada jedinog zimskog festivala u Gradu Zenici. - Sve je počelo idejom, budući da je tih godina Zenica bila uskraćena za prednovogodišnje i Novogodišnje programe, da građanima ponudimo niz programa sa kulturno-umjetničkim dešavanjima, po ugledu na sve evropske gradove, ističu Petrovići. Na 15 dana pred ulazak u Novu godinu, te 2014. organizovali su prvi festival koji se zvao "Snježna kraljica Zenica

2014". Te godine festival se samo odrzavao u zimskoj bašti Cabaret club-a. Zbog velikog interesa javnosti te godine, organizuju i drugi festival, gdje su zbog velikog interesa učesnika, uključili i Cabaret club, pored zimske baštice. Izazvavši još veći interes te godine, organizovali su i treći, sada već tradicionalni festival. - U protekle dvije godine, interes javnosti i učesnika je rastao velikom brzinom, gdje smo uvidjeli da radimo nesto što našem gradu treba. Budući da je festival jedini u regionu u organizaciji nekog privatnog sektora, kompletan je i samofinansirajući. Festival 2015. je podržalo jedino ministarstvo za rad, socijalnu politiku i izbjeglice, bez podrške gradske uprave, kažu Petrovići. Međutim, kako je interes za ovaj treći festival prešao granice BiH i izazvao interes učesnika iz gradova van BiH, braća Petrović su odlučili da promjene naziv festivala i kako kažu, uzbilje ga. Treći festival je nazvan "CABARET WINTER FEST", jer ima tendenciju, da pored tradicionalnog zimskog festivala, postane i regionalni. - Uvidjevši ozbiljnost festivala, javio nam se direktor Bosanskog narodnog pozorišta Hazim Begagić i ponudio da budu prijatelji festivala, podržavši nas svim raspolozivim pozorišnim resursima. Također veliku podršku, po prvi put u tri godine festivala, dala nam je i gradska uprava na čelu sa gradonačelnikom Fuadom Kasumovićem i ministar Nurđehan Šahinović. Također veliki broj naših privatnih i poslovnih prijatelja se uključio i stao iza nas. Sa zadovoljstvom možemo kazati,

da je ovaj treći festival do sada najuspješniji, kako organizacijom, tako i posjetom i programom. Uključili smo sve grane kulture, a posjetiocima su mogli uživati u književnim i plesnim večerima, pozorišnim predstavama, stand up komedijama, predavanjima, mini koncertima, nastupu hora zena KUD "Željezara", muzičkom školom, raznim radionicama, najvećom izložbom slika u gradu Zenici, gdje je učešće uzelo više od 20 zeničkih slikara i mnogim drugim sadržajima. Posebnost festivala je, što je nekomercijalan i za većinu sadržaja je ulaz bio sloboden. Ovaj festival je obogaćen i baletno-muzičkim performansom koji su Petrovići sa Ars centrom odradili na velikoj sceni BNP-a kao i premijerno izvođenje domaćeg dugometražnog filma "Nikom ništa".

Pored festivala koji rade, braća su poznati kao i veliki humanitari, gdje su za razna udruženja i pojedince organizovali razne humanitarne akcije. Također slove i za objekat, gdje se dobro može pojesti, sa bogatom gastronomskom ponudom, gdje su nedavno uvršteni u top 10 restorana u Zenici.



**NOVI
CITROËN C3
JEDINSTVEN KAO I TI.**



36 KOMBINACIJA BOJA

S ConnectedCAM Citroën™

UPOZNAJ GA UŽIVO

CITROËN je registrovani TOTAL. Ponuda važi samo kod ovlaštenih distributerova vozila Citroën u BiH. Slike su simbolične. Češće već sadrže popuste za poslovne subjekte. Pomenute prednosti vozila i opreme su dostupne kao standardna oprema ili uz naknadu, u zavisnosti od načina cjenjenja i verzije vozila. Komбинovana potrošnja: 3,2 – 4,9 l/100 km. Više informacija na www.citroen.ba.



citroen.ba

OVNAK d.o.o. Vitez • AUTOCENTAR OVNAK

Poslovni centar PC96, 72250 Vitez • Tel.: 030 717 106 • Fax: 030 717 107 • autocentar@ovnak.com

ALBIN RAMLJAK ŽELI DA ZAIGRA U DRESU ZMAJEVA

Nogometni igrač Albin Ramljak koji će krajem januara napuniti 18 godina izrazio je želju da zaigra za zmajeve. Iako je na spisku najkvalitetnijih mlađih igrača ove skandinavske zemlje i trebao bi dobiti poziv za U19 selekciju Danske, ovaj iznimno talentovani mladić čiji su roditelji porijeklom iz Zenice bi volio zaigrati za Bosnu i Hercegovinu. Tu ga, veli, vuče srce, a nekako i više pripada po svemu. O kakvom talentu se radi, govori podatak da je član Dronningborga iz Randersa i kapiten juniorskog tima u posljednje dvije sezone igrajući za juniorski tim u 28 mečeva postigao 44 gola i imao 16 asistencija. A inače igra na poziciji lijevog krila, a po potrebi lijevog ili desnog beka. Za prvi tim ovog kluba koji igra u drugoj danskoj diviziji debitovao je još prije dvije godine, sa nepunih 16.



-Počeo sam trenirati fudbal sa pet godina u gradu Randersu gdje sam rođen. Okušao sam se u boksu i plivanju, ali jednostavno fudbal je za mene oduvijek No1 sport. Trenirao sam i igrao za tamošnje klubove Randers Freja, Vorup i Dronningborg gdje sam i sada. Iako su me ispočetka gurali na beka, zbog efikasne igre i puno golova, prebačen sam na poziciju lijevog krila, što se pokazalo kao pun pogodak, kazuje nam Albin za kojeg treneri kažu da je izuzetno brz, uporan, sa jednom dozom agresivnosti i željom za uspjehom, koji su vjerojatno cjenjeniji na Balkanu nego u Skandinaviji. Još kao osmogodišnjak imao je ponudu da pređe u fudbalsku akademiju Brøndby IF u Kopenhamenu, a da roditeljima nađu posao i stan, ali se porodica nije za to odlučila zbog njegove mladosti. Kasnije su bile slične ponude najboljeg danskog tima AB Kopenhagena, te francuskog Auxerre-a.

FUAD KASUMOVIĆ PRVI ČLAN NK ČELIK



Fuad Kasumović, gradonačelnik Zenice, zvanično je postao prvi član NK Čelik Zenica. On je uplatio 600 maraka za VIP ulaznicu, a člansku kartu uručio mu je v.d. generalnog sekretara Čelika Tarik Ajanović, jedan od ljudi koji je radio na novom statutu kluba koji je po sistemu "jedan član - jedan glas" usvojen 5. januara. - Ovim činom sam ispunio svoje predizbornu obećanje. Vratio sam Robijašima i građanima Zenice NK Čelik. Ispred svih građana Zenice izvršio sam prvu upлатu za spas Čelika (Grad uplatio 50.000 KM; op.a.), a ovim činom sada kao Fuad Kasumović, a ne kao gradonačelnik, kupio sam prvu VIP ulaznicu. UO ima punu podršku od nas, Grad se neće petljati jer sport mora biti van politike, kazao je Kasumović. On je poručio da je sada sve do Upravnog odbora i posebno igrača da izbore opstanak u Premijer ligi, a narednih godina se bore za izlazak u Evropu. Osim VIP ulaznica za što je potrebno izdvojiti 600 KM, a ona donosi mogućnost sjedenja u svečanoj loži na istočnoj tribini ili godišnju ulaznicu za bilo koju tribinu stadiona Bilino polje, od ponedjeljka na Bilinom polju, su u prodaji članske karte u iznosu od 60 KM za građanstvo, 40 KM za punoljetne osobe koji ostvaruju pravo popusta, a to su žene, osobe sa invaliditetom i nezaposlene osobe prijavljene na Biro, studenti, srednjoškolci, te 20 KM za maloljetne osobe koje nemaju pravo glasa. Zahtjev za pristup NK Čeliku nalazi se na web stranici kluba i na društvenim mrežama pod kontrolom kluba. Obzirom da je račun kluba još uvijek blokirana za sada će učanjenje biti ograničeno na Bosnu i Hercegovinu. Statut je parafirao dosadašnji predsjednik Skupštine NK Čelik Damir Bradarac. On je

rekao da vjeruje da će novi Statut povesti Čelik u boljšak. - Želim zahvaliti ljudima koji su preuzeeli odgovornost, gradonačelniku, svim ljudima dobre volje koji žele da pomognu Čeliku koji više od dvije godine nije imao ni predsjednika ni Upravni odbor. Kroz Skupštinu koju sam vodio klub nije mogao odgovoriti zadacima. Drago mi je da sam ljudima iz prošlog razvijanja Skupštine oteo klub iz ralja politike koja ga je godinama sistemski namjerno uništavala, rekao je Damir Bradarac. Kemal Islambegović, član Tehničkog odbora se zahvalio Bradarcu za ono što je uradio te najavio da će se organizovati Skupština kluba za otprilike šest mjeseci. Navijačima i građanima Zenice je poručio da je klub "sada naš", da je klub svih građana, neopterećen politikom, te da se nada da je ovo početak jednog boljeg Čelika. Na Bilinom polju zvanično su ugovore na šest mjeseci uz mogućnost produženja na još godinu dana parafirali četiri igrača. To su golman Branislav Ružić i veznjači Enis Sadiković, Anes Haurdić i Eldin Mašić. Prije toga to je učinio Aldin Šišić. Čelik je napustio jedino Marin Popović koji će karijeru nastaviti u češkoj Jihlavi, a crveno-crni bi trebali dobiti obećanje za njega. Predsjednik Čelika Selvedin Šatorović je pojasnio da su u toku pregovori sa nekoliko igrača. Istakao je da je jedan od igrača sa kojima će pregovarati Haris Dilaver, bivši igrač Čelika koji je raskinuo ugovor sa grčkim Plataniom.



IRMA KARIŠIK ŠESTA NA SVIJETU

Irma Karišik, 27-godišnja članica Sportsko-rekreativnog kluba "Bosna" iz Zenice i reprezentativka Bosne i Hercegovine, a ujedno i trenerica BiH reprezentacije u prirodnom sankanju osvojila je šesto mjesto na Svjetskom kupu u Rusiji (Moskva). Predstavnik BiH u muškoj konkurenciji Veselin Ilijev završio je takmičenje kao 13-ti. Pored loših uslova i skoro nikakve podrške od strane odgovornih institucija ove države Irma Karišik je još jednom dokazala da je snagom volje i upornošću moguće zastavu naše države predstaviti u najboljem mogućem svjetlu. Inače, Irma je Magistar sporta i tjelesnog odgoja, što znači da je pored izuzetne fizičke spreme potkovana i velikim teoretskim znanjem o sportu. - Sankaši na prirodnim stazama na kojim Irma trenira u Sarajevu ovih dana su predstavljali BiH u Moskvi na trećem Svjetskom kupu u prirodnom sankanju. Slijedeće takmičenje na kojem će nas Irma i Veselin predstavljati je u Sloveniji, na Četvrtom svjetskom kupu, a potom slijede takmičenja u Italiji, Rumuniji i Austriji.

Pored seniora, naša reprezentacija ima dva predstavnika u juniorskoj konkurenciji. To su: Zerina Mustić i Berina Mustić, koje su učestvovale na dva juniorska takmičenja. Irma je ostvarila izuzetan rezultat za sebe i za državu BiH, saopštili su iz SRK Bosna Zenica. - Ispred mene su još veći izazovi, a ja sam tu da ostvarim još bolje rezultate i vratim se u svoju državu kao pobjednik, poručila je Irma Karišik sa Svjetskog Kupa iz daleke Moskve.



USKORO KOŠARKA I POD REFLEKTORIMA



Nakon što su proteklog ljeta obnovljeni, košarkaški tereni na Kamberovića polju, već na proljeće trebali bi biti i osvijetljeni. Federalno ministarstvo kulture i sporta dodijelilo je Javnom preduzeću za upravljanje i održavanje sportskih objekata u Zenici 15.000 KM, što će biti iskoristeno za postavljanje rasvjete na dva betonska terena koji su na raspolaganju zeničkim sportistima, ali i rekreativcima. Direktor JP za upravljanje i održavanje sportskih objekata "Zenica" Feda Jovanović kaže da su aplicirali na javni poziv Federalnog

ministarstva za nauku i sport sa ovim projektom. - Kamberovića polje je žila kućavica sportskog života u gradu i veliki broj sportskih kolektiva svoj trenažni proces i takmičenja svih uzrasta i selekcija obavljaju na ovom prostoru. U Javnom preduzeću namjeravaju ovu jedinstvenu rekreativnu i sportsku zonu obogatiti novim sadržajima, a postojeće urediti i učiniti u što većoj mjeri dostupnim za građane Zenice svih generacija. - Ljetos smo uspjeli obnoviti dva košarkaška i dva odbojkaška betonska terena. Za odbojkaške terene smo odmah iznašli i mogućnost za postavljanje rasvjetnih tijela. Izuzetno smo zadovoljni što se ovi tereni jako puno koriste, rekao bih cijelodnevno. Kada su u pitanju košarkaški tereni, postavljanjem reflektora ćemo omogućiti da se igra i tokom večernjih sati, što posebno dolazi do izražaja u ljetnim mjesecima kada su dnevne temperature ekstremno visoke, kaže direktor Jovanović.

KOŠARKAŠICE ČELIKA SLAVILE, KOŠARKAŠI PORAŽENI

U okviru 9.kola Prvenstva BiH, košarkašice Čelika slavile su uvjerljivu pobjedu u Bhanja Luci protiv Mladog Krajišnika 83:57. Goče iz Zenice su otvarile utakmicu serijom 13:0, da bi tu prednost podigli na 19:2. Nakon prve četvrtine rezultat je glasio 33:14 za Čelik. U drugoj četvrtini domaće se „bude“ i smanjuju vodstvo Čelika na minus 16 poena prednosti (46:30), što je i rezultat na poluvremenu utakmice. Treći period donosi bolju igru Zeničanki i one ovu dionicu dobijaju sa 24:13, a rezultat nakon na ulasku u posljednji period bio je 70:43 za Čelik. U zadnjoj četvrtini stručni štab Čelika je dao priliku i igračicama koje imaju nešto manju minutažu, te je ovaj period bio izjednačen, a dobila ga je domaća ekipa 14:13, za konačnih 83:57 u korist Čelika. Čelik je opravdao ulogu favorita i zaslужeno slavio, a najbolje u dresu zeničkog kluba bile su Nedžla Kovacević sa 28 poena, Aldijana Iriškić je ubacila 21, a Sara Heljić 17 uz 9 skokova. U narednom kolu Čelik igra sa Banovićima. Istovremeno, košarkaši čelika su igrali utakmicu 12.kola A1 lige. Doživjeli su poraz od lidera na tabeli ekipе Vogošće 120:47. U lošem izdanju Čelika bolji od ostalih bili su Faris Preljević sa 11 i Armin Bilić sa 10 poena.





TURNIR ZA DJEČAKE U ZENICI

U organizaciji nogometne škole ZSK Zenica održan je drugi turnir za dječake uzrasta 2008.godište i mlađi i 2006.godište i mlađi. Na turniru su nastupile 33 selekcije iz 19 klubova oba entiteta, te Brčko distrikta. Nakon jednodnevni takmičenja na tri terena u zeničkoj Areni najuspješniji u mlađoj kategoriji bili su nogometari Zrinjskog. Drugoplasirani su dječaci Mladosti iz Doboja kod Kaknja, a treći Sportino iz Maglaja. Najbolji igrač u ovoj kategoriji je Kenan Muflizović, a najbolji strijelac je Eno Alajmović. U starijoj konkurenciji najbolji su bili dječaci Sarajeva. Drugi su Šampioni iz Sarajeva, a treći Tremed Tešanj. Najbolji igrač u ovom uzrastu je Faruk Bezdrob, a najbolji strijelac je Filip Margeta.

NK VITEZ

Nogometari Viteza već uveliko treniraju na terenima u gradu i dvorani SRC „Romari“, a trener Slaven Musa na raspolaganju ima 25 nogometara. Za sada su u Vitez stigla samo dva nova imena, oba napadača iz Metalleghe BSI, Elvis Bibić i Vernes Selimović. Bibić je stigao nešto ranije, a Selimović se pripremama priključio sa nekoliko dana zakašnjenja. Selimović je ranije nastupao još za Čelik, Željezničar i Zrinjski, dok jesen u Metalleghe BSI nije pokazao koliko zaista može. Zato se od oba nova napadača očekuje da poprave realizaciju koja je do sada bila boljka „Vitezova“. Naravno lista pojačanja nije zaključena, a očekuje se i par igrača na posudbu iz hrvatskog prvogliša Rijeke. Ekipa trenera Muse drugo dio priprema obavit će u Makarskoj.

RUKOMETNI TURNIR PRIJATELJSTVA



U Zenici je održan sedmi međunarodni rukometni turnir prijateljstva. Uspješan organizator i ovaj put bila je škola rukometa Čelik junior. Na turniru je nastupilo oko 500 rukometaša u 35 selekcija iz naše države i Hrvatske. Nakon četverodnevni druženja gosti su zadovoljni napustili Zenicu uz obećanje da će doći na turnir i naredne godine ukoliko dobiju poziv. Najuspješnija ekipa u seniorskoj konkurenciji je ekipa Bjelovara, a iza njih su ostali Iskra Bugojno i Čelik junior. U konkurenciji predpionira prvo mjesto je pripalo Metkovićima. Iza njih su se plasirali Visočka Bosna i Đakovo. U finalnoj utakmici pionira vidjeli smo pravu dramu. Bosna iz Visokog je čuvala loptu

pri rezultatu 18:17 u svoju korist, onda je goluman s ciljem proslave pobjede na isteku vremena bacio loptu u publiku što je po novim pravilima nesportsko ponašanje i za ovaj potez je dobio crveni karton, a Đakovo sedmerac. Ekipa iz Hrvarske je bila precizna pa se moralo pristupiti izvođenju sedmeraca. Mlađi iz Đakova su bili uspješniji i osvojili prvo mjesto, dok su se visočani morali zadovoljiti drugim mjestom. Treće mjesto je pripalo Bjelovaru. I na kraju u najinteresantnijoj kategoriji, kadeti vidjeli smo izuzetno kvalitetnu utakmicu u kojoj je Krivaja iz Zavidovića savladala selekciju Dubrovačko-Neretvanske županije. Treće mjesto osvojili su domaćini, Čelik junior.

NOVO RUKOVODSTVO RK ČELIK

Održana je vanredna sjednica Skupštine rukometnog kluba Čelik Zenica na kojoj je izabran novi Upravni odbor i rukovodstvo Skupštine zeničkog premijerligaša. Za novog predsjednika Upravnog odbora izabran je Sanel Hasanović, urednik i novinar RTV Zenica, ujedno i bivši rukometar, a novi sastav Upravnog odbora činiće devet članova među

kojima su: Dino Eminović, Anel Okić, Nermin Salkanović, Nero Berbić, Eldin Durmić, Ahmed Cerić, Nedim Sehić, Seldin Rizvanović i Aldin Begagić. Izabrano je i novo rukovodstvo Skupštine na čijem će čelu u naredne četiri godine biti dosadašnji predsjednik UO Pane Škrbić, a potpredsjednik je Dževad Drino.

IZVRŠENA PROZIVKA NA PIROTI

Nogometari Travnika počeli su pripreme za nastavak sezone Prve lige FBiH, u kojoj trenutno zauzimaju drugu poziciju sa bodom zaostatka za liderom Bosnom iz Visokog. Tako se treneru Osmi Bajriću, kome će i dalje asistirati Feđa Dudić, Alen Delić i Senad Bajrić, odazvalo 23 igrača



među kojima su pojačanja Matijas Pejić i Seid Zukić iz Orašja. Opravdano odsutan bio je golman Adis Nurković, novopečeni reprezentativac Kosova. Nakon prvog dijela priprema na terenima u gradu, ekipa Travnika rad će nastaviti u Makarskoj.



INSTITUT ZA ZDRAVLJE
I SIGURNOST HRANE

Fra Ivana Jukića 2, 72 000 Zenica, Bosna i Hercegovina
tel: 38732 448-001, www.inz.ba

Zašto
propustiti
najljepše
i najvažnije
trenutke u životu
svoje majke,
sestre, kćerke,
unuke?



ZNAČAJ PREVENCIJE KARCINOMA GRLIĆA MATERNICE

Od strane Evropske asocijacije za borbu protiv cervikalnog karcinoma – European Cervical Cancer Association (ECCA) pokrenuta je inicijativa za Evropsku sedmicu prevencije karcinoma grlića maternice još 2007. godine i od tada se obilježava u posljednoj sedmici mjeseca januara svake godine.

Prema podacima Svjetske zdravstvene organizacije (WHO), karcinom grlića maternice drugi je najčešći karcinom kod žena mlađih od 45 godina i treći vodeći uzrok smrti žena, nakon raka dojke i pluća. Invazivni karcinom grlića maternice smatra se bolešću koja se može izlječiti, ali zbog neredovnih ginekoloških pregleda, neadekvatne terapije i zanemarivanja svog tijela i zdravlja, ova maligna bolest bilježi značajnu stopu smrtnosti.

Karcinom grlića maternice predstavlja pojavu malignih (izmjenjenih, atipičnih ćelija) na sluzokoži grlića maternice. Glavni uzrok ove bolesti je Human papilloma virus (HPV) koji je izlovan u 99,7% žena oboljelih od karcinoma grlića maternice. Postoji oko 100 tipova HPV-a, od čega su najopasniji za nastanak karcinoma najonkogeniji tipovi 16 i 18.

Simptomi karcinoma grlića maternice su rijetki i nespecifični, to može biti krvarenje nakon spolnog odnosa, bol tokom spolnog odnosa, krvav vaginalni iscijedak te bol u genitalnom području.

Rizične grupe žena su:

- Žene koje su seksualnu aktivnost započele u ranoj mladosti (prije 16-te godine)
- Brojni seksualni partneri
- Odnosi sa muškarcem koji ima HPV infekciju
- Odsustvo normalnog imunog odgovora
- Dugotrajno uzimanje oralnih kontraceptiva
- Žene koje su ranije liječene zbog CIN2 i CIN3
- Neredovni ginekološki pregledi

Zlatni standard u borbi protiv karcinoma grlića maternice je redovan, bezbolan ginekološki pregled tokom kojeg se uzima bris sa grliću maternice (PAPA test) te vakcinacija protiv Humanog papilloma virusa (HPV) za adolescentice. Redovni pregledi imaju za cilj da promjene na grliću maternice otkriju rano, prije nego što prerastu u karcinom i kada mogu na vrijeme da se otkloni. Sve žene, u dobi od 20-te godine, odnosno od trenutka stupanja u seksualne odnose treba da idu na redovne preglede. U prvo vrijeme pregled bi se trebao raditi jednom godišnje. Nakon dva uzastopna negativna PAPA testa, tj. uredna nalaza, pregledi bi se trebali raditi svake tri godine.

Prevencija karcinoma grlića maternice:

- Poboljšana lična higijena
- Izbjegavanje čestog mijenjanja seksualnog partnera
- Primjena kondoma
- Redovni ginekološki pregledi
- Redovne citološke kontrole
- Prevencija i liječenje povećanog vaginalnog iscijedka
- Energično liječenje svih cervikalnih lezija

Elma dr Kuduzović
Viši stručni saradnik za
socijalnu medicinu
Institut za zdravlje i
sigurnost hrane Zenica



GASTRO KUTAK

Burek iz šoljice

Sastojci:

- 3 krompira srednje veličine
- 1 manja glavica luka
- 200 gr. faširanog mesa
- 18 Klas gotovih jufki
- malo ulja

Premaz:

- 1 jaje
- malo mlijeka
- malo maslinovog ulja
- čurekot ili susam za posipanje



Priprema:

- Skuhati krompir i napraviti pire.
- Sitno isjeckati luk, pa ga malo prepržiti na ulju. Tome dodati faširano meso i ispržiti.
- Kada je meso prženo, dodati mu pire krompir i sve fino izmješati da se sjedini.
- Jaje, mlijeko i maslinovo ulje dobro umutiti.
- U šoljicu za kafu staviti duplu jufku. (ne treba premazivati). Malom kasikom filovati vec napravljenom smjesom.
- Kada napunite šoljicu do vrha, krajeve složiti unutra. Kako koji kraj slažete, premazivati jajetom. (da se zaliđepi)
- Redati u pleh na koji ste stavili papir za pećenje.
- Sve premazati smjesom od jajeta i posuti susamom ili čurekotom.
- Peći u zagrijanoj rerni dok ne porumeni.

Šaljite nam vaše recepte sa Klas proizvodima. Najsretnije očekuje poklon paket Klas proizvoda.



Ružice od lisnatog tijesta

Sastojci:

- 500 gr lisnatog tijesta,
- 100 gr maslaca,
- 300 gr mlijevenih oraha,
- brašno za posipanje

Agda:

- 1 lit vode,
- 1 kg sećera

Priprema:

- Orahe sitno samlijeti. Maslac rastopiti na pari.
- Lisnato tijesto posuti brašnom i tanko razvaljati, debljine oko 2 mm.
- Cijelu površinu premazati rastopljenim maslacem a zatim posuti orasima, isto tako po cijeloj povrsini.
- Zarolati i pri tome tijesto blago vuci prema sebi, kako ne bi bilo praznina. U suprotnom će orasi ispadati.
- Ostar noz umociti u mlaku vodu, i ružice njezno rezati promjera 2 cm (po želji mogu i veće). Pri svakom narednom rezanju, potrebno je nož umociti u vodu.
- Izrezane ružice redati u maslacem podmazanu

tepsiju. Peći u prethodno zagrijanoj rerni na 150 °C oko 20-25 min. Za to vrijeme pripremiti agdu. U odgovarajuću posudu nasuti 1l vode i 1 kg sećera. Neka vrije (od trenutka vrenja!) 9-11 min. Pustiti da blago ohladi, neka bude mlaka. Mlake ružice prelitи mlakom agdom. UKusnije su kad dobro ohlade, tako da je bolje da prenoče. Prijatno! :)



Dženana Talić, Zenica

KLAS SARAJEVO 1902



TOP 10 najzdravijih biljnih čajeva

Ako ste pod stresom i imate problema sa spavanjem, vjerojatno vas može umiriti biljni čaj. Ispijanje šalice kvalitetnog biljnog čaja može dobro djelovati na vaš živčani sustav i sprječiti pritisak koji uzrokuje stres. Pogledajte našu listu i odaberite čaj koji vama odgovara.

ČAJ OD LIMUNOVE TRAVE

Ovaj čaj ima izrazito osvježavajući okus limuna. On može pomoći pri uništavanju raznih bakterija i gljivica. Također, može pomoći pri smanjenju povisene tjelesne temperature i poboljšanju probave.

ČAJ OD KAMILICE

Čaj od kamilice ima fin i slatkast okusa, a kamilica se smatra jednom od najstarijih biljaka koju su koristili i drevni Egipćani. Kamilica ima umirujući učinak na um, tijelo i duh te pomaže pri ublažavanju tjeskobe i stresa. Šalica čaja od kamilice prije odlaska u krevet može biti savršeno sredstvo za opuštanje.

ČAJ OD MURVE (DUDA)

Čaj od murve može sprječiti nagomilavanje masnih naslaga u arterijama, a samim time i aterosklerozu. Čaj je dobar za dijabetičare, jer sprječava šećer od ulaska u krvotok. Visoka koncentracija kalcija iz murve može pomoći i u jačanju kostiju i zuba.

PANDAN ČAJ

Pandan čaj pomaže pri smanjenju šećera u krv i krvnog tlaka te na taj način poboljšava ukupnu funkciju bubrega i srca. Čaj od Isusove krune – lat. Passiflora Za pripremu ovog čaja koriste se stabljike i lišće cvijeta. Ovaj ukusan i mirisan čaj pomaže kod problema sa spavanjem, jer ima blago sedativni učinak na živčani sustav. Također se može koristiti i za liječenje nervoze i kroničnog umora.

ČAJ OD ĐUMBIROVA KORIJENA

Pikantan i osnažujući miris čaja od đumbirova korijena može pomoći pri liječenju jutarnje mučnine, jer opušta mišiće želuca. Ovaj čaj također potiče probavu, jer pomaže pri razgradnji proteina. Čaj od đumbirova korijena može poboljšati i cirkulaciju, jer opušta mišiće oko krvnih žila.

WU-LONG OOLONG ČAJ

Ovaj čaj, sa svojom prirodnom aromom sličnoj aromi breskve, smatra se jednim od najzdravijih čajeva na svijetu. Oolong čaj promiče ljepotu i zdravlje, pomaže pri liječenju tamnih mrlja, starenju kože, bora i slično. Također pomaže pri liječenju arterioskleroze i drugih bolesti uzrokovanih štetnim slobodnim radikalima u tijelu.



ROOIBOS ČAJ

Ovaj se čaj također smatra jednim od najboljih i najzdravijih čajeva na svijetu. Rooibos čaj usporava proces starenja i poboljšava prirodni imunološki sustav. Pomaže u jačanju kapilara i poboljšava cirkulaciju.

ZELENI ČAJ

Posebnost zelenog čaja leži u činjenici da može ubiti i maligne stanice raka te znatno usporiti njihov rast. Zeleni čaj umanjuje rizik od srčanog i moždanog udara, smanjujući stvaranje krvnih ugrušaka.

ČAJ OD METVICE

Ovaj čaj koristi se kao sredstvo u tretiranju loše probave poput grčeva, nadutosti, želučane nervoze, žgaravice, nadraženosti crijeva, povraćanja te zatvora. Može olakšati menstrualne tegobe, pomoći kod upale sluznice u ustima i nakupljanja katara u gornjem dijelu dišnih putova, a nerijetko se preporučuje kao sredstvo protiv nesanice. Koristi se i za poboljšanje apetita.

ZAŠTO JE OBAVEZNO oprati novu, kupljenu odjeću prije nošenja?

Stručnjaci upozoravaju kako odjeća na putu od tvornice do prodavnice prođe kroz previše ruku, često se skladišti u neprimjerenim uvjetima, a prije kupovine isprobala je mnoštvo ljudi. Upravo zbog toga odjeća može biti rasadnik raznih infekcija, kožnih bolesti ili npr., ušiju.

"U smislu higijene, najpametnije je oprati odjeću barem jednom, u nekom slučaju i dva puta prije nošenja. Kao dermatolog svjedočio sam raznim kožnim problemima zbog nepranja odjeće i osobno ne bih riskirao", izjavio je za WSJ dr. Donald Belsito, profesor dermatologije na Sveučilištu Columbia.

Smatra se kako je neoprana odjeća mogući uzročnik pitirijaze (lat. Pityriasis rosea), bolesti koja započinje pojavom jednog primarnog crvenog medaljona na tijelu, nakon kojeg se na koži šire manja žarišta. Kao najvažniji i najopasniji razlog zašto bi odjeću trebalo oprati stručnjaci navode ostatke boje i kemikalije poput formaldehida koji se koriste kod proizvodnje.

Upravo je formaldehid krivac za brojne alergije, oslabljeni imunitet, a istraživanja su pokazala da može biti štetan za zdravlje. Nalazi u odjeći koja se ne gužva, a treba obratiti pozornost i na odjeću od sintetičkih tkanina, jer se one boje štetnih azo-anilin bojamama. Ako inače imate problema s alergijama, zbog ovih tvari možete dobiti jaku reakciju, dok kod ostalih ljudi one mogu izazvati iritaciju.



OPREZNO s djecom po ovako velikim hladnoćama

Kako se s djecom ponašati po ovako niskim temperaturama? Je li ih treba izvoditi van i postoji li neko preporučljivo vrijeme, odnosno ograničenje, koliko bi to trebalo biti?

Zimsko vrijeme je pogodno za izlaska u šetnju i igru. No postoje određena ograničenja. Ukoliko puše ledeni vjetar, tada izlasci trebaju biti kratki, a djeca trebaju biti primjereno obučena.

Dojenčad po takvom vremenu ne trebaju

izlaziti. Ukoliko nema vjetra, može se i s dojenčadi izlaziti u kraće šetnje, no pri tome je dobro nositi ih u naručju, s obzirom da su u kolicima izložena hladnoći sa svih strana, a mogućnost stvaranja topline i održavanja primjerene tjelesne temperatupe je ipak ograničena.



Dakle, u ekstremnim vremenskim uvjetima izliske treba smanjiti na nužno potrebne, dok se za lijepog vremena treba kretati na svježem zraku koji će povoljno djelovati na zdravlje dišnih organa.



LJUBITELJI ZIMSKIH SPORTOVA UŽIVAJU NA VLAŠIĆU

Turisti i ljubitelji zimskih sportova tokom ovog mjeseca zaista mogu uživati na Vlašiću. putevi koji vode ka ski-centru su prohodni i očišćeni, a sva skijališta su u pogonu. Firme koje gazduju stazama i vertikalnim transportom „Vlaši-ski“, „Ozon“ i SRC „Vlašić“ zaista su učinile veliki napor da ove zimske sezone osiguraju uslove za skijanje i kada nije bilo prirodnog snijega, ali kada je pao prvi snijeg. Sredinom januara veliki broj turista iz

susjedne Republike Hrvatske završavao je svoj zimski odmor na Vlašiću. Kolone vozila sa hrvatskim registarskim oznakama isle su put Travnika i dalje za Hrvatsku. Tradicionalno riječ je o turistima iz Dalmacije i Slavonije, ali bilo je i iznenadenja pa je primjetno bilo prisustvo velikog broja gostiju iz Dubrovnika i Zadra, ali i iz Zagreba! Iako je još uvek rano govoriti o rezultatima zimske sezone koja je još u toku, turistički radnici na Vlašiću su zadovoljni.

– Zaista ove godine, kao i prethodne dvije, firme koje održavaju staze na vrijeme su zasnježile staze vještačkim snijegom, a potom je došao i prirodni snijeg. Mnogo toga je dobrog urađeno. Imali smo i marketinšku kampanju u Republici Hrvatskoj i rezultati su očigledni. O tome svjedoče turisti iz Vukovara, Dubrovnika i Zadra. – ističe Miroslav Matović, direktor Turističke zajednice SBK.

kvalitetno, jeftino i brzo?!
MOGUĆE JE!!!

www.printaj.ba

prva i jedina ONLINE štamparija u Bosni i Hercegovini

ZNATE LI KOJA NIJANSA RUMENILA najbolje pristaje uz vaš ruž za usne

CRVENI RUŽ - nemojte pretjerivati s rumenilom, nanesite samo malo bronzeru i highlighteru.

NARANČASTI RUŽ - uz narančasti ruž pristaju smeđe ili blage narančaste nijanse.

RUŽ BOJE BRESKVE - roskasta rumenila pristaju odlično uz ovaj nježni ruž.



SVIJETLORUŽIČASTI RUŽ – narančaste i smeđe nijanse rumenila bit će odlične.

BEŽ RUŽ - uz bež ruž pristaju sve nijanse rumenila



RUŽ BOJE MESA - isprobajte ružičaste ili crvenkaste nijanse, nikako narančaste.



RUŽ BOJE CRNOG VINA - držite se smeđih nijansi i dobrog highlightera

LJUBIČASTI RUŽ - uz ovako snažan ruž pristaju smeđe nijanse ili žarkonarančasto rumenilo.



1.

2.

3.

4.

5.

6.

7.

cm
Centar za modernu maturu

Najbolji poklon
JE SAVRŠEN PARFEM

1. Versace bright crystal absolu cdp 30ml	95,25-	71,45	-25%
2. Paco Rabanne 1 million prive edp 50ml	120,95-	90,70	-25%
3. Bruno Banani dangerous woman edt 40ml	54,95-	38,45	-30%
4. Bruno Banani dangerous man edt 50ml	48,60-	33,95	-30%
5. Joop! homme cdt 30ml	64,30-	41,80	-35%
6. Jill Sander sun woman edt 30ml	55,50-	35,95	-35%
7. Davidoff the game edt 40ml	74,95-	48,70	-35%

BUBA

SUPERMARKET · MARKETI · MESNICE



Poslovni centar 96 ~ 72250 Vitez ~ BiH ~ Tel.: 030/714-209



JURČEVIĆ

DOMAĆIN ODLIČNOG OKUSA

**Svježe meso
svaki dan sa
vlastite farme!**



Pratite naše vikend akcije svježeg mesa!

NAŠA PEKARA
100% DOMAĆE

**Svaki dan
svježa peciva
i kolači !**



RENT A CAR



Poslovni centar 96 ~ 72250 Vitez ~ BiH ~ Tel: 030/709-019
www.rentacar-buba.ba

AUTO KUĆA BUBA

